

CONVENIO ENTRE O CONCELLO DE SANTIAGO DE COMPOSTELA E A UNIVERSIDADE DE SANTIAGO DE COMPOSTELA PARA O ANO 2020 NO MARCO DO PROGRAMA COMPOSTELA MÓVESE 2020 COVID19

Dunha parte, D. José Sánchez Bugallo, Alcalde-Presidente do Excmo. Concello de Santiago de Compostela.

Doutra, D. Antonio López Díaz que actúa en nome e representación da UNIVERSIDADE DE SANTIAGO DE COMPOSTELA con CIF Q1518001A, e con domicilio en Colexio de San Xerome, Praza do Obradoiro, s/n. CP 15782, Santiago de Compostela .

Ambas as dúas partes no nome e representación que ostentan e coa capacidade legal para este acto

EXPOÑEN

- I. Que o presente convenio regularase polo disposto na Lei 40/2015, de 01 de outubro, de Réxime Xurídico do Sector Público, na Lei 38/2003, de 17 de novembro, “Xeral de Subvencións” e RD 887/2006 de 21 de xullo, polo que se aproba o seu regulamento, e polo definido na Lei 9/2007 do 13 de xuño de Subvencións de Galicia.
- II. Que o Concello de Santiago de Compostela leva colaborando coa UNIVERSIDADE DE SANTIAGO DE COMPOSTELA apoiando os proxectos de emprendemento promovidos por mulleres e en particular as actividades do programa Woman Emprende a través de distintos programas de actividades dende a creación no ano 2004, da Oficina de Promoción Económica municipal existindo ademáis esta liña de traballo e actividade con anterioridade a esa data no marco das accións da extinta Axencia de Desenvolvemento Local.

Segundo o establecido no artigo 3 puntos a) e b) da Lei 5/2014 do 27 de maio de medidas urxentes derivadas da entrada en vigor da Lei 27/2013 do 27 de decembro, de racionalización e sustentabilidade da Administración Local non se entenderá como exercicio de novas competencias a continuidade na prestación dos servizos xa establecidos nin a continuidade da actividade de fomento xa establecida en exercicios anteriores; polo tanto a continuidade destas liñas de axudas ao establecemento da actividade empresarial non poden ser consideradas exercicio de novas competencias.

A aportación propia precisa para a execución das actividades realízanse con fondos propios do Concello de Santiago de Compostela non comprometendo a sustentabilidade financeira do Concello de Santiago e non supoñendo ademáis unha reiteración ou duplicidade sobre as actividades realizadas pola Xunta de Galicia.
- III. Por outra banda, a través do programa “Woman Emprende” a UNIVERSIDADE DE SANTIAGO DE COMPOSTELA ten creado unha rede para desenvolver unha plataforma de traballo para potenciar a creación de empresas no ámbito universitario, e conseguir resultados de participación das mulleres en consonancia á súa cota de participación na Universidade. O obxectivo de “Woman Emprende” consiste en acadar que a porcentaxe de emprendedoras sexa similar ao de universitarias
- IV. Que son os convenios o instrumento habitual para canalizar as subvencións previstas nominativamente, segundo se establece especificamente nos artigos 47.2.c e 48.7 da Lei 40/2015 de Réxime Xurídico do Sector Público, no artigo 28 da lei 38/2003 Xeral de subvencións e no artigo 26 da Lei 9/2007 de subvencións de Galicia, así como, de forma específica no artigo 31.10 das Bases de execución do orzamento municipal.
- V. Que o Concello de Santiago para levar a cabo a colaboración coa UNIVERSIDADE DE SANTIAGO DE COMPOSTELA obxecto deste convenio, estará ao previsto nas Bases de Execución de Orzamento do

Excmo. Concello de Santiago de Compostela para o ano 2020, que de acordo co seu artigo 33 achegará a cantidade de dezaoto mil euros- 18.000,00€ con cargo á aplicación orzamentaria 070 43300 4890000.

E, polo que as partes

MANIFESTAN

- I. Que a UNIVERSIDADE DE SANTIAGO DE COMPOSTELA ten marcado para o programa “Women Emprende” o obxectivo de acadar que a porcentaxe de emprendedoras sexa similar ao de emprendedores na comunidade universitaria. Woman Emprende é unha rede para desenvolver unha plataforma de traballo para potenciar a creación de empresas no ámbito universitario, e conseguir resultados de participación das mulleres en consonancia á súa cota de participación na Universidade.
- II. Que o Concello de Santiago de Compostela ten como un dos seus obxectivos, o fomento da actividade emprendedora promovida por mulleres a través da realización de diferentes accións encamiñadas á promoción e apoio ao emprendemento feminino.
- III. Que na situación de paralización da actividade económica provocada polo Decreto 463/2020 polo que se declarou o estado de alarma para a xestión da situación de crise sanitaria ocasionada polo COVID-19, foi preciso establecer mecanismos nos que, de xeito coordinado se articule o proceso de reactivación económica da actividade local aprobándose con data de 20 de abril de 2020 o programa Compostela Móvese 2020 COVID-10 no que se recollen como obxectivos os seguintes:
 - Manter a estreita colaboración aberto coa Universidade de Santiago de Compostela, un dos elementos definidores da cidade e motor de coñecemento. Continuar apoiando o I+D+i, as empresas tecnolóxicas e as spin-off universitarias; con especial atención a aqueles proxectos socioeconómicos que contribúen ao desenvolvemento e aplicación dos principios e obxectivos da economía circular marcados pola Comisión Europea.
 - Explorar e impulsar os novos nichos de emprego, en especial nos sectores creativos, que son os que teñen actualmente maior capacidade de dinamizar a cidade e aumentar o seu atractivo residencial e comercial.
 - Impulsar a Economía Social como fórmula de emprendemento e valorizar o tecido empresarial que xa optou por esta fórmula empresarial favorecendo o seu coñecemento e recoñecemento no municipio.
- I. Que é interese das institucións comparecentes, fomentar e impulsar as actividades de información, formación e mellora da competitividade empresarial nos proxectos empresariais promovidos por mulleres que contribúan aos obxectivos de igualdade que permita alcanzar un desenvolvemento sostible.
- II. Que a UNIVERSIDADE DE SANTIAGO DE COMPOSTELA, dispón de competencia, metodoloxía, equipo técnico e rede de contactos precisos para desenvolver de xeito óptimo e no marco das súas actividades e defensa dos seus interese ás actividades e servizos obxecto deste convenio, que non poderían ser realizadas polo Concello de Santiago con recursos propios para a consecución dos fins expostos sen incurrir nun custe moito máis elevado.
- III. Que o Concello de Santiago considera importante establecer acordos de colaboración coa mencionada entidade co fin de garantir a realización das labores obxecto do convenio co consecuente beneficio para toda a cidadanía do Concello de Santiago, considerando que é positivo para a promoción da actividade emprendedora liderada por mulleres na cidade, de acordo cos obxectivos marcados no programa Compostela Móvese 2020 COVID-19. En consecuencia,

CONVEÑEN

1º.- É obxecto deste convenio subvencionar parte os gastos necesarios para que a UNIVERSIDADE DE SANTIAGO DE COMPOSTELA realice durante o ano 2020 da actividade **II FEIRA DE EMPREENDEDORAS DE COMPOSTELA. A ECONOMÍA SOCIAL** na que se desenvolverán as seguintes accións:

FORMACIÓN: Taller Design Thinking: da idea á acción.

É un taller de Design Thinking no que se desenvolverá a confianza creativa para transformar problemas en oportunidades, obtendo con iso, unha mellor solución no proceso de innovación social.

A formación que reciban as EMPREENDEDORAS SOCIAIS partirá dos seguintes principios: centrado nas mulleres, formato colaborativo, optimista, aprender experimentando, resolvendo problemas reais e visualizando o que se obteña.

O taller está dirixido a mulleres con inquietudes na economía social, que teñan unha idea ou estean a iniciar un proxecto, equipos creativos, deseñadoras e organizacións que desexen incorporar un novo proceso estruturado de deseño centrado nas persoas.

EXPOSICIÓN:

ZONA EXPOSITIVA das empresas en formato feira, con CASETA, nas que as emprendedoras amosen e expliquen os seus produtos ou servizos. Será un traballo empoderamento, de sobresaír e visibilizar estas iniciativas para que as persoas visitantes poidan apreciar a calidade destas ideas empresariais. Un traballo para expresar a necesidade que ten Santiago e a súa contorna, e a riqueza que xera para a cidade a aposta por un tecido emprendedor pensado nas persoas, que reformula e pon na vangarda ás nosas tradicións e oficios e que a través de iniciativas innovadoras, combinan o valor engadido da tecnoloxía coa responsabilidade e sustentabilidade empresarial. Como resultado fomentamos e creamos entidades que desenvolven unha produción responsable, con valores éticos, xeramos riqueza e impacto na contorna, e creamos emprego de calidade e un futuro laboral para novas xeracións.

MESAS REDONDAS:

Nesta Feira trataranse en formato participativo, entre outras, as seguintes temáticas:

- ✓ O cooperativismo e os retos sociais contemporáneos.
- ✓ A Experiencia Cooperativa da Rede Eusumo, de Espazo Coop, de Em-Rede: a orixe, evolución histórica, características principais e retos de futuro.
- ✓ O cooperativismo, a transformación social e o desenvolvemento comunitario.
- ✓ A democracia e a participación desde o prisma cooperativo. Gobernanza cooperativa.
- ✓ As persoas na organización cooperativa: organización e cultura cooperativa, liderado e motivacións.

Adxúntase borrador de programa como Anexo I a este convenio.

2º.- A Universidade de Santiago de Compostela presenta para que forme parte deste convenio a seguinte documentación:

- Certificación do orzamento xeral de gastos e ingresos previstos para o ano 2020 obxecto de subvención.
- Certificacións oficiais de estar ao corrente nos pagos coa Seguridade Social e coa Axencia Estatal da Administración Tributaria e co Concello de Santiago.
- Certificación oficial de estar ao corrente coa facenda da Comunidade Autónoma.
- Declaración xurada de non estar incurso, a entidade que representa, nas prohibicións para obter a condición de beneficiaria da subvención establecidas no artigo 13 da Lei 38/2003, de 17 de novembro, Xeral de Subvencións.
- Copia compulsada do CIF da Entidade.
- Impreso selado pola entidade bancaria que corresponda, no que figura como titular e o seu número de conta, BIC e IBAN.

3º.- O Concello de Santiago comprométese a subvencionar no ano 2020 á UNIVERSIDADE DE SANTIAGO DE COMPOSTELA coa cantidade de 18.000,00-EUROS con cargo á aplicación orzamentaria 070 43300 4890000 dos orzamentos municipais para o ano 2020, destinados a colaborar no financiamento da actividade reseñada no punto 1º deste convenio.

3.1.- Estes 18.000,00-€, a efectos de xustificación estarán destinados a financiar os seguintes conceptos de gastos que figuran no seu orzamento, todos eles correspondentes ao ano 2020:

<i>CONCEPTO</i>	<i>IMPORTE FEIRA iva incluído</i>
Formación: workshop de design thinking	5000€
Persoal da Dirección USC	1500€
Organización da Feira	7000€
Deseño da imaxe do evento	1500€
Comunicación do evento	2300€
Medidas covid	700€
TOTAL	18000€

*O importe exacto das distintas partidas pode variar en función das distintas contratacións precisas para o desenvolvemento das actividades. De non ser posible a xustificación da totalidade do orzamentos dunha liña por este motivo, admitirase a xustificación do resto con cargo ao resto de actividades descritas neste convenio.

A contribución municipal manterase sempre e cando, en concorrencia con outras axudas públicas ou privadas para o mesmo fin, non se supere o orzamento total de gastos presentado pola UNIVERSIDADE DE SANTIAGO DE COMPOSTELA de Compostela para o ano 2020.

4º.- A UNIVERSIDADE DE SANTIAGO DE COMPOSTELA comprométese, en virtude deste convenio a publicitar a colaboración do Concello de Santiago, na súa páxina web e en toda a documentación xerada como memorias de actividades, nota de prensas, convocatorias de programas, publicidade dos servizos, referentes aos servizos enunciados no punto 1º do convenio.

5º.- O pago efectuarase previa xustificación da entidade interesada. O prazo de xustificación rematará o 30 de novembro de 2020.

Para facer efectivo o pago é condición necesaria que a UNIVERSIDADE DE SANTIAGO DE COMPOSTELA de Compostela presente no Rexistro Municipal do Concello de Santiago, **como data límite a indicada no parágrafo anterior**, a seguinte documentación para a xustificación do convenio:

5.1.- Declaración asinada polo presidente da Entidade na que se indique, baixo a súa responsabilidade ter cumpridos os compromisos especificados no punto 4º do presente convenio. Presentaranse como xustificantes pantallazos da web, notas de prensa, fotografías, etc nos que se observe con claridade o cumprimento da parte que lles corresponde do establecido neste convenio.

5.2.- Facturas oficiais ou fotocopias compulsadas que se correspondan cos conceptos de gastos que figuran no apartado 3º do presente convenio, todas elas referidas ao ano 2020, debendo acreditarse o seu pagamento mediante transferencia bancaria con anterioridade á data límite de xustificación. Para a xustificación de gastos de persoal da propia entidade deberán presentarse as nóminas, TCs, xustificantes de transferencia bancaria e certificado do presidente da entidade de asignación do persoal ao servizo obxecto deste convenio, indicando a duración no tempo e porcentaxe da xornada laboral adicada a cada programa ou proxecto.

A contía a xustificar será polo importe total dos gastos realizados á data de presentación da xustificación do convenio e polos conceptos sinalados na cláusula 3ª. Tendo en conta que os gastos obxecto de subvención considéranse en base aos orzamentos previstos da entidade, poderanse admitir desviacións ou alteracións na súa xustificación, sempre e cando, se manteña a finalidade do convenio e o xustificado supere o importe da subvención recollida no mesmo.

5.3.- Declaración asinada polo presidente da Entidade na que se expresen, baixo a súa responsabilidade, as axudas públicas ou privadas, solicitadas e/ou concedidas para o mesmo fin no presente ano 2020.

5.4.- Declaración asinada polo presidente da Entidade na que se indique, baixo a súa responsabilidade, que as axudas públicas e/ou privadas, solicitadas e/ou concedidas, xunto coa subvención do Concello de Santiago non superaron o orzamento de gastos, nin cada un dos conceptos de gasto para os que se concede a subvención, previstos no artigo 3.


5.5.- No momento da xustificación **deberase acreditar que a entidade está ao corrente nos pagamentos** coa Seguridade Social, Axencia Estatal da Administración Tributaria, facenda da Comunidade Autónoma e o propio Concello de Santiago mediante certificacións das administracións correspondentes.

6º.- O prazo de vixencia deste convenio é desde o 1 de xaneiro ata o 31 de decembro de 2020.

7º.- O incumprimento das obrigas que se impoñen ao interesado levará consigo a restitución dos importes dos pagos da subvención que en cada caso se tivese efectuado.

8º.- Polo Concello poderá esixirse, aparte das condicións establecidas neste convenio, as fórmulas de xustificación de cumprimento de obrigacións que se estimen convenientes.

9º.- Con respecto aos libros e rexistros contables que deba levar a UNIVERSIDADE DE SANTIAGO DE COMPOSTELA, así como para reintegro de fondos, en caso de incumprimento e demais medidas de control e inspección, estarase ao disposto na lei 38/2003 de subvencións e demais lexislación que no seu caso sexa de aplicación.



**CONCELLO DE
SANTIAGO**

10º.- O importe da subvención especificada neste convenio, cando proceda o pago do mesmo, deberá ser ingresado no número de conta da UNIVERSIDADE DE SANTIAGO DE COMPOSTELA indicado na certificación bancaria aportada pola entidade..

11º As actuacións en materia de cesión de datos de carácter persoal axustaranse ao disposto na Lei orgánica 3/2018, de 5 de decembro, de protección de datos persoais e garantía dos dereitos dixitais.

12º Son causas de resolución deste convenio, de acordo coa lexislación vixente, o incumprimento de calquera cláusula establecida no mesmo, e concretamente:

- a) Forza maior que imposibilite o desenvolvemento das actividades programadas.
- b) Incumprimento das cláusulas establecidas no convenio específico de colaboración.
- c) Mutuo acordo entre as partes.
- d) O vencemento do seu prazo.

13º O presente convenio de colaboración ten natureza administrativa e está expresamente excluído do ámbito de aplicación da Lei 9/2017 de Contratos do Sector Público, segundo o sinalado no seu art. 6 sen prexuízo da súa posible aplicación con carácter supletorio.

Non obstante o anterior, as cuestións litixiosas que poidan xurdir sobre este convenio, respecto da vixilancia e control, interpretación, resolución e efectos do mesmo, serán resoltas en última instancia administrativa pola Xunta de Goberno da cidade de Santiago de Compostela, poñendo os seus acordos fin á vía administrativa e contra eles poderá interpoñerse recurso contencioso-administrativo, segundo establece o artigo 46.4 da Lei 29/1998, reguladora desta xurisdición. Para este efecto, será competente o Xulgado do Contencioso Administrativo de Santiago de Compostela


Santiago de Compostela, 23 de novembro de 2020

Polo CONCELLO DE SANTIAGO

Pola UNIVERSIDADE DE SANTIAGO DE COMPOSTELA
de Compostela

Asdo.: Xosé Sánchez Bugallo
ALCALDE

Asdo: Antonio López Díaz



**CONCELLO DE
SANTIAGO**

Anexo I: borrador de programa

FEIRA DE OUTONO DE EMPREENDEDORAS DE COMPOSTELA:

Flores LILAs (feminismo) e VERDEs (ecoloxía)

edición adicada ás MULLERES que crean EMPRENDEMENTO SOCIAL

DATAS: 30 e 31 de outubro de 2020

LUGAR: ESPAZO GASTRO DA PRAZA DE ABASTOS. CONCELLO DE SANTIAGO

FORMACIÓN ON LINE E PRESENCIAL:

Realización dun workshop semipresencial de Design Thinking, para un máximo de 25 persoas participantes (repartidas en 5 grupos de 5 integrantes) e 3 horas de duración, 2 online e 1 física na Aula Gastrocultural do Mercado de Abastos.

Luns 26: Creatividade 1 (vídeo gravado) 20 minutos.

Martes 27: Creatividade 2 (vídeo gravado) 20 minutos.

Mércores 28: O Design Thinking (vídeo gravado) 20 minutos.

Xoves 29: Proxecto de Co-creación dun prato a través do Design Thinking (online en directo) 60 minutos.

Venres 30 de 18.00 a 19.00:

Prototipado e empratado (físico en directo-máximo 1 persoa por grupo) - 18:00 - 18:30

Presentacións e feedback (físico en directo-máximo 1 persoa por grupo) - 18:30 - 19:00

PROGRAMA sábado 31 de outubro de 2020

9.30.- Inauguración "As persoas no centro da organización: empresas de economía social, liderado e motivacións".

Carme Casado Casado

Responsable de Desenvolvemento Económico Oficina de Promoción Económica

Concello de Santiago

Alba Paz Boubeta

Subdirectora xeral de Economía Social

Consellería de Economía, Emprego e Industria

Mercedes Vázquez Bartomeu


AESGAL

Oficina de Promoción Económica dependente de Alcaldía do Concello de Santiago e Compostela. .

Edificio CERSIA Empresa. Rúa do Alcalde Raimundo López Pol, S/n CP15703 Santiago de Compostela

Tel: 981 54 24 93. Fax: 981 54 24 92.

Correo electrónico: cersia@santiagodecompostela.gal. Páxina web: www.cersiaempresa.gal



**CONCELLO DE
SANTIAGO**

Ana Olveira Blanco

Unión de Cooperativas Espazocoop

María Dolores Calvo

AGACA

Rosa Gutiérrez

Galega de Economía social CEGASAL

10.30.- Feira expositiva das emprendedoras sociais

Entrevistaremos ás emprendedoras para que nos presenten e falen dos seus proxectos.

As entrevistas serán retransmitidas en directo, por streaming, de 10:30 a 13:00.

13.00.- Mesa de debate: EMPRESAS CONSOLIDADAS E REFERENTES

M. do Mar Lorenzo Moledo

Vicerreitora de Igualdade, Cultura e Servizos

Universidade de Santiago de Compostela

Maria Bastida Domínguez

Presentación de resultados de investigación: Como fomentar o espírito emprendedor das mulleres a través da Economía Social.

Erea Viz Callejas

Amarelas

Isabel Lorenzo

Rayados

Marta Álvarez Quintero

Muuhlloa

14.00 Peche da Feira

Xosé Antonio Sánchez Bugallo

Alcalde do Concello de Santiago

Antonio López Díaz

Reitor Universidade de Santiago de Compostela